

ՎՐԱՍՏԱՆ - ՀԱՅԱՍՏԱՆ

ՎՐԱՅ-ՀԱՅԿԱԿԱՆ ՀԱՐԱԲԵՐՈՒԹՅՈՒՆՆԵՐԻ ՊԱՏՄԱԿԱՆ ՆՈՐ ՄԱԿԱՐԴԱԿ

ՍԱԼՈՄԵ ԶՈՒՐԱԲԻՇՎԻԼՈՒ ԱՌԱՋԻՆ ՊԱՇՏՈՆԱԿԱՆ ԱՅՑԸ ՀԱՅԱՍՏԱՆ

Հայաստանի նախագահ Արմեն Սարգսյանի հավերժ, մարտի 13-14-ը Վրաստանի նախագահի Սալոմե Զուրաբիշվիլին, երկօրյա պաշտոնական այցով, գտնվում էր Հայաստանում:

Վրաստանի նախագահի գլխավորած պաշտոնական պատվիրակության կազմում են Վրաստանի արդարադատության նախարար Թեա Շուլուկիանին, Վրաստանի խորհրդարանի փոխխոսնակ, «Վրաստան-Հայաստան» բարեկամության խորհրդարանական խմբի նախագահ Գիորգի Վոլսկին, խորհրդարանի պատգամավորներ Կախաբեր Օքրիաշվիլին, Յենգել Սկոյանը, Գիլի Ճիճինաձեն, նախա-

գահի աշխատակազմի ղեկավար Լաշա Ժվանիան, Վրաստանի փոխարտգործնախարար Լաշա Դարսալիան, նախագահի աշխատակազմի ղեկավարի տեղակալ Նաթիա Սուլավան:

Վրաստանի եւ Հայաստանի պետական դրոշներով զարդարված երեւանի «Զվարթնոց» օդանավակայանում Վրաստանի նախագահին դիմավորեցին Հայաստանի փոխվարչապետ Տիգրան Ավինյանը, Հայաստանում Վրաստանի արտակարգ եւ լիազոր դեսպան Գիորգի Սազանելիձեն, Վրաստանում Հայաստանի արտակարգ եւ լիազոր դեսպան Ռուբեն Սադոյանը, պաշտոնատար այլ անձինք:

ՀԱՐԱՍԵՐԻ ՏՈՒՐՔ՝ ՑԵՂԱՄԱՆՈՒԹՅԱՆ ԶՈՐԵՐԻ ՀԻՇԱՏԱԿԻՆ

Երեւանի օդանավակայանից Վրաստանի նախագահը՝ պատվիրակության անդամների հետ, Հայաստանի փոխվարչապետ Տիգրան Ավինյանի եւ Երեւանի քաղաքապետ Հայկ Մարությանի ուղեկցությամբ, այցելեց Ծիծեռնակաբերդի հուշահամալիր, հարգանքի տուրք մատուցեց Հայոց ցեղասպանության զոհերի հիշատակին: Վրաստանի նախագահը ծաղիկներ խոնարհեց Հայոց Մեծ եղեռնի զոհերի հիշատակը հավերժացնող անմար կրակի մոտ, եղավ Հայոց ցեղասպանության թանգարան-ինստիտուտում, գրառում կատարեց թանգարան-ինստիտուտի պատվավոր հյուրերի հուշամատյանում:

ՊԱՇՏՈՆԱԿԱՆ ՀԱՆԴԻՊՈՒՄ ՀԱՅԱՍՏԱՆԻ ՆԱԽԱԳԱՀԻ ՆՍՏԱՎԱՅՐՈՒՄ

Մարտի 13-ին Հայաստանի նախագահի նստավայրում տեղի ունեցավ պաշտոնական այցով Հայաստան ժամանած Վրաստանի նախագահի Սալոմե Զուրաբիշվիլու դիմավորման պաշտոնական արարողությունը: Նստավայրում Սալոմե Զուրաբիշվիլին դիմավորեց Հայաստանի նախագահ Արմեն Սարգսյանը:

Դիմավորման պաշտոնական արարողության ընթացքում հնչեցին Հայաստանի եւ Վրաստանի օրհներգերը: Այնուհետեւ, երկու երկրների նախագահները ողջունեցին Հայաստանի եւ Վրաստանի պատվիրակությունների անդամներին, ինչին հաջորդեց պատվո պահակախմբի եւ նվագախմբի հանդիսավոր քայլերը:

Դիմավորման պաշտոնական արարողությունից հետո, կայացավ երկու երկրների նախագահների առանձնազրույցը, որին հաջորդեց երկու երկրների պատվիրակությունների լիակազմ հանդիպումը: Առանձնազրույցի ավարտից հետո, Հայաստանի եւ Վրաստանի նախագահները հանդես եկան լրատվամիջոցների համար հայտարարություններով:

Երկու երկրների նախագահներն ընդգծեցին վրաց-հայկական երկկողմ համագործակցության վիթխարի ներուժը բոլոր ոլորտներում: Բանակցող կողմերը արդյունավետ գնահատեցին անցկացված բանակցությունները, որոնց ընթացքում անդրադարձան երկկողմ հետաքրքրություններ կայացնող մի շարք հարցերի:

Մասնավորապես, Հայաստանի եւ Վրաստանի նախագահները քննարկեցին համատեղ ծրագրերի իրագործման հնարավորությունները տրանսպորտային, զբոսաշրջության, մորտեխնոլոգիաների, գյուղատնտեսության եւ այլ բնագավառներում, կարելի է հայտնաբերել Կովկասում ենթակառուցվածքային էներգետիկ ու լոգիստիկ ծրագրերի իրականացման նշանակությունը տարածաշրջանային անվտանգության, կայունության եւ զարգացման ապահովման նպատակով, ընդգծեցին կրթության, մշակույթի ու մշակութային ժառանգության պահպանման ոլորտում համագործակցության կարելիությունները, անդրադարձան երկու երկրների ընդհանուր սահմանի դեղինիտացիայի խնդրի լուծմանը:

ՏԱՐԵԿԱՐՁ

ՎՐԱՑ ՊԱՌԼԱՄԵՆՏԱՐԻՉՄԸ 100 ՏԱՐԵԿԱՆ Է

Ուղիղ 100 տարի առաջ՝ 1919 թ. մարտի 12-ին, տեղի ունեցավ Վրաստանի առաջին ազատ եւ ժողովրդավարական ճանապարհով ընտրված խորհրդարանի անդամիկ նիստը՝ հիմք դնելով Վրաստանի խորհրդարանականության (պառլամենտարիզմի) պատմությանը:

Վրաստանի խորհրդարանի նախաձեռնությամբ, մարտի 12-ին անցկացվեցին Վրաստանի ժողովրդավարական Հանրապետության հիմնադիր ժողովի առաջին նիստի 100-ամյա հոբելյանին նվիրված միջոցառումներ, որոնք անցկացվեցին Երիտասարդության ազգային պալատում եւ Շոթա Ռուսթավելու անվան պետական դրամատիկական



(Շարունակությունը՝ 2-րդ էջում)

ՏԱՐԱԾԱՇՐՋԱՆ

ՎՐԱՍՏԱՆԻ ՆԳ ՆԱԽԱՐԱՐԸ ՍԱՄՑԻՆԵ-ԶԱՎԱԽԵԹԻՈՒՄ

Մարտի 14-15-ը Վրաստանի ներքին գործերի նախարար Գիորգի Գախարիան այցելեց Սամցխե-Ջավախեթի տարածաշրջան՝ ստուգելու ընթացիկ եւ ավարտված ծրագրերը, անձամբ հանդիպելու տեղում աշխատող ոստիկանների հետ:

Գիորգի Գախարիան, տարածաշրջանային այցի շրջանակներում, եղավ Ախալքալաքիում, այցելեց ոստիկանության վերանորոգված շենք, ժամանակավոր կալանավայր եւ հատուկ հանձնարարությունների բաժնի տեսչություն:

Գիորգի Գախարիան ծանոթացել է համակարգի վերազինման շրջանակներում ընթացիկ եւ պլանավորված բարեփոխումներին:

Գիորգի Գախարիան այցելեց նաեւ մի քանի վարչություններ, եղավ Ցխրածղարոյի նոր բացված

անցակետում, Բակուրիանիում ծանոթացավ ոստիկանության ենթակառուցվածքների վերանորոգման ծրագրի շրջանակներում ոստիկանության շենքի շինարարական աշխատանքներին: ՆԳ նախարարը եղավ նաեւ Բորժոմիի արտակարգ իրավիճակների կառավարման ծառայության ենթակառուցվածքներում, որտեղ տարվա վերջին կավարտվի հրդեհաշիջման միջոցների պահման վայրը:

ՕՐԱԿԱՐԳՈՒՄ ԷԼԵԿՏՐՈՆԱՅԻՆ ՏՎՅԱԼՆԵՐԻ ՓՈԽԱՆԱԿՄԱՆ ԱՐՁԱՆԱԳՈՒԹՅԱՆ ՄՏՈՐԱԳՐՄԱՆ ՀԱՐՁՆ ԷՐ

Մարտի 14-ին աշխատանքային այցով Վրաստանում էր գտնվում Հայաստանի պետական եկամուտների կոմիտեի պատվիրակությունը:



Վրաստանի ֆինանսների նախարարության եկամուտների ծառայությունում կայացած հանդիպմանը, կողմերը քննարկվեցին երկկողմ համագործակցության, մասնավորապես՝ Վրաստանի հարկային եկամուտների ծառայության ու Հայաստանի պետական եկամուտների կոմիտեի միջեւ տրանսպորտային միջոցների եւ ապրանքների միջազգային տեղափոխման վերաբերյալ նախագահական ելակորոնային տվյալների փոխանակման մասին արձանագրության ստորագրման ու տվյալների փոխանակման տեխնիկական իրագործմանն առնչվող հարցեր: Բանակցությունների արդյունքում, համաձայնություն ձեռք

բերվեց արձանագրության բովանդակության շուրջ: Փաստաթուղթը կստորագրվի երկու երկրներում ներպետական ընթացակարգեր անցնելուց հետո:

Հարեւան պետությունների մաքսային մարմինների միջեւ նախնական էլեկտրոնային տվյալների փոխանակման շնորհիվ, հնարավոր կլինի ստացված նախնական տվյալների հիման վրա կիրառել թիրախային հսկողություն, ինչպես նաեւ կրճատել մաքսային ընթացակարգերով տրանսպորտային միջոցների եւ ապրանքների ձեւակերպումների ժամանակը մի շարք գործողությունների կրկնողության բացառման շնորհիվ:

ՎՐԱՍՏԱՆ - ՃԱՊՈՆԻԱ

ԿԱՐԵՎՈՐՎԵՑ ԵՐԿԿՈՐԱՄ ՀԱՄԱԳՈՐԾԱԿՑՈՒԹՅԱՆ ԶԱՐԳԱՑՄԱՆ ՆԵՐՈՒԺԻ ԼԻԱՐԺԵՔ ԳՈՐԾԱՐԿՈՒՄԸ

Մարտի 13-15-ը Վրաստանի վարչապետ Մամուկա Բախտաձեն աշխատանքային այցով գտնվում էր ճապոնիայում: Այցի շրջանակներում, Վրաստանի կառավարության ղեկավարը հանդիպումներ ունեցավ ճապոնիայի բարձրաստիճան պաշտոնյաների հետ: Հանդիպումներում կողմերը խոսել են Վրաստան-ճապոնիա համագործակցության եւ տնտեսական ներուժի զարգացման մասին, կարելիություն առկա ներուժի լիարժեք գործարկումը:

- Վրաստանը եւ ճապոնիան հիանալի հարաբերություններ ունեն բոլոր ուղղություններով, եւ հավատում են, որ այս այցը մեր հարաբերությունները նոր բարձունքների հասցնելու հնարավորություն կտա,- հայտարարեց Մամուկա Բախտաձեն:

Այցի շրջանակներում, Մամուկա Բախտաձեն մարտի 15-ին Տոկիոյում պաշտոնապես բացեց վրացական գինու մշակույթ

թին ու պատմությանը նվիրված «Վրաստանը՝ գինու հայրենիք» ցուցահանդեսը, որը հյուրընկալում է Տեռադա Վերահասու (Terrada Warehouse) ցուցասրահը:

Ցուցահանդեսն անցկացվում է Վրաստանի կառավարության նախաձեռնությամբ, Գինու ազգային գործակալության եւ «Վրացական գինի» միության կազմակերպմամբ, միջավայրի պաշտպանության



եւ գյուղատնտեսության նախարարության, «Սաքապատենտի» եւ Ազգային թանգարանի աջակցությամբ:

Ցուցահանդեսը շարունակվելու է մինչեւ մայիսի 7-ը:

ԽՈՐՀՐԱՐԱՆ

ՔԱՂԱՔԱԿԱՆ ՈՒԺԵՐԻ ՆՈՐ ԲԱՇԽՈՒՄ ՕՐԵՆԱԴԻՐ ՄԱՐՄՆՈՒՄ



Ինչպես արդեն հաղորդել ենք, վերջին մեկուկես ամսվա ընթացքում, երկրի խորհրդարանի «Վրացական երազանք» կառավարող կուսակցությունից մի շարք պատգամավորների դուրս գալը պայմանավորվեց օրենսդիր մարմնում քաղաքական ուժերի բաշխման վրա:

Օրերս հայտնի դարձավ, որ «Վրացական երազանք» կառավարող կուսակցությունը եւ խորհրդարանական մեծամասնությունը, «Վրացական երազանք-սոցիալ ժողովրդավարներ» խմբակցությունը լքեց նաեւ համամասնական պատգամավոր Կոբա Նարչեմաշվիլին: Հիշեցնենք, որ մինչ այդ, վերոնշյալ խմբակցությունից հեռացել էին պատգամավորներ Բեքա Նացվիշվիլին, Գիա Ժորժոլիանին եւ Միրիան Ծուլուկիձեն: Արդյունքում, վերոնշյալ խմբակցությունը վերացավ: Ինչպես արդեն նշել ենք, պատգամավորներ Գիա Ժորժոլիանին եւ Միրիան Ծուլուկիձեն միացան «Հայրենասերների ալյանս» խմբակցությանը՝ դրանով իսկ փրկելով այն, քանի որ խմբակցությունից պատգամավոր Դավիթ Գիճինաձեի դուրս գալը հարցականի տակ էր դնում խմբակցության

գոյությունը: Նշենք, որ ներկայում Դավիթ Գիճինաձեն գործունեությունը շարունակում է անկախ պատգամավորի կարգավիճակում: «Վրացական երազանք-սոցիալ ժողովրդավարներ» խմբակցությունում մնացած Սուլխան Մախատաձեն եւ Ռոման Մուշիաշվիլին միացան «Վրացական երազանք» խմբակցությանը: Խորհրդարանական մեծամասնությունում մնաց նաեւ համամասնական պատգամավոր Ռուսլան Պողոսյանը:

«Վրացական երազանք» խմբակցություն տեղափոխվեց նաեւ «Վրացական երազանք-արդյունաբերողներ» խմբակցության անդամ, պատգամավոր Շոթա Շալեշվիլին:

Ներկա դրությամբ, «Վրացական երազանք» կառավարող կուսակցությունը խորհրդարանում ներկայացված է 107 պատգամավորով: Հատկանշական է, որ խորհրդարանական մեծամասնությունում սկսված տեղաշարժերի արդյունքում, մինչ այդ, ընդդիմադիր «Եվրոպական Վրաստան» կուսակցությունը կորցրեց խորհրդարանական փոքրամասնության կարգավիճակը:

ՅՈՒՐԻ ԽՈՐԵՆՅԱՆ

ՏԱՐԵԴԱՐԶ

ՎՐԱՑ ՊԱՌԼԱՄԵՆՏԱՐԻԶՄԸ 100 ՏԱՐԵԿԱՆ Է

(Սկիզբը՝ 1-ին էջում)

թատրոնում: Միջոցառումներ անցկացվեցին նաեւ արտասահմանում: Մասնավորապես, հոբելյանական օրը ծաղկեպսակ դրվեց Ֆրանսիայում հանգչող Նիկոլո Զիսեիձեի (հիմնադիր ժողովի նախագահ), Ուզբեկստանում հուղարկավորված Ալեքսանդրե Լոմթաթիձեի (հիմնա-

դիր ժողովի անդամ) եւ Թբիլիսիում հանգչող Սիլիբիստրո Ջիբլաձեի (հիմնադիր ժողովի անդամ) շիրիմներին:

Ամսաթվի առնչությամբ պատրաստվել են հոբելյանական մեդալիոններ, որոնք փոխանցվելու են Վրաստանի խորհրդարանի թանգարանին եւ Լեւիլի կալվածքին: Հոբելյանի առթիվ, Ռուսթավելու թատրոնում անցկացված միջոցառմանը մաս-

նակցեցին Վրաստանի խորհրդարանի նախագահ Իրակլի Կոբախիձեն, փոխոսնակ Գիա Վուսկին, Թբիլիսիի քաղաքապետ Կախա Կալաձեն, երկրի գործադիր եւ օրենսդիր մարմինների ներկայացուցիչները, Վրաստանում հավատարմագրված դիվանագիտական կորպուսի, միջազգային եւ տեղական հասարակական կազմակերպությունների ներկայացուցիչներ:

ՀԱՆԴԻՊՈՒՄ

ՆԵՐԿԱՅԱՑՎԵՑԻՆ ԱԶԳԱՅԻՆ ՓՈՔՐԱՄԱՍՆՈՒԹՅԱՆ ՆԿԱՏՄԱՍԲ ՔԱՂԱՔԱԿԱՆՈՒԹՅԱՆ ԴՐՈՒՅԹՆԵՐԸ

Մարտի 14-ին Նինոծմինդայում տեղի ունեցավ Վրաստանի հաշտեցման եւ քաղաքացիական իրավահավասարության հարցերով պետնախարարի գրասենյակի ներկայացուցիչների եւ տեղի բնակիչների հանդիպումը, որտեղ ներկայացվեցին ազգային փոքրամասնությունների հարցերով ազգային քաղաքականության ձեռքբերումներն ու նպատակները:

Փոխնախարար Լիա Գիգաուրին ներկայացրեց նախարարության կատարած աշխատանքի մասին զեկույց: Հիմնական ծրագրերի եւ քաղաքականության ուղղությունների միջեւ ընդգծված էին ազգային փոքրամասնությունների հավասար եւ լիարժեք մասնակցություն երկրի սոցիալական ու քաղաքական կյանքում, հավասար հնարավորությունների ապահովում, կրթության որակի բարձրացում, ներառյալ՝ պետական լեզվի իմացության ապահովման առաջնային խնդիրը, ինչպես նաեւ միջմշակութային զարգացում:

Ըստ փոխնախարարի, այս ոլորտում կարելի է խաղացել ժվանիայի դպրոցը, որն ունի ներկայացուցչություն Վրաստանի 10 շրջանում: Դպրոցում գործում են 246 կրթական խումբ, տարբեր մասնագիտացման 3 403 աշակերտ, վրաց լեզվի մասնագիտական դասընթացներ, Վրաստանի Ձինված ուժերում 303 աշակերտ:

Նախարարության քաղաքականության շրջանակներում 1 080 ուսուցիչ անցել է մասնագիտական զարգացման ծրագրեր, Հայ Առաքելական եկեղեցու ներկայացուցիչները՝ Ախալքալաքիում եւ Նինոծմինդայում սովորել են վրացերեն:

Նախարարության գործունեության գերակա նպատակներից մեկը բարձրագույն կրթության մատչելիությունն է ազգա-

յին փոքրամասնությունների համար: Նրա խոսքով, ներկա դրությամբ վրացական բուհերում ուսանում են 806 աղքեջանցի, 424 հայ եւ 1 օս, որոնցից 96 աղքեջանցի, 93 հայ եւ 1 օս ստացել են պետական կրթական դրամաշնորհ:


Փոխնախարարը խոսեց նաեւ Քվեմո-Քարթլիում եւ Սամցխե-Ջավախեթիում ենթակառուցվածքային օբյեկտների վերանորոգման նախագծերի մասին: Քվեմո Քարթլիում սկսվել է 66 նախագիծ, որոնց ընդհանուր գումարը կազմում է մոտ 319 000 լարի, իսկ Սամցխե-Ջավախեթիում՝ 23 902 107 լարի ընդհանուր գումարով 51 նախագիծ:

Իր խոսքի վերջում Լիա Գիգաուրին թվարկեց նախարարության հետագա աշխատանքների հիմնական գերակայությունները:

Հանդիպման վերջում Նինոծմինդայի շրջանի քաղաքապետ Անի Մոսոյանը շնորհակալություն հայտնեց փոխնախարարին հանդիպման եւ նախարարության կողմից կատարված աշխատանքի համար:



ՄԻՄՈՆ ԿԻԼԱԶԵ



ԵԹՈՎՊԻԱ

ԱՎԻԱԱՐԵՏԻՑ ԶՈՐԿԵԼ Է 157 ՄԱՐԴ

Մարտի 10-ի առավոտյան, Եթովպիայի մայրաքաղաք Ադիս Աբեբայից 60 կմ հարավ-արեւմուտք ընկած Բիշոֆտու քաղաքի շրջանում աղետի է ենթարկվել Boeing 737 Max 8 ինքնաթիռը: Օդանավն ուղեւորվում էր Նայրոբի եւ ընկել է թռիչքից վեց րոպե անց: Ավիաաղետի զոհ է դարձել 157 մարդ, այդ թվում՝ անձնակազմի 8 անդամները, ովքեր Եթովպիայի քաղաքացիներ էին եւ 149 ուղեւոր: Զոհվածների թվում են 35 երկրի քաղաքացիներ, ներառյալ՝ Քենյայի՝ 32, Կանադայի՝ 18, ԱՄՆ-ի՝ 8, Մեծ Բրիտանիայի՝ 8, Ֆրանսիայի՝ 9, Հինաստանի՝ 8, Ռուսաստանի՝ 3 քաղաքացի: Եթովպիայում մարտի 11-ը սգո օր է հայտարարված:

ՃԱՊՈՆԻԱ

ԿԱՅՍՐԸ ՀՐԱԺԱՐԱԿԱՆ Է ՏՎԵԼ ՀՕԳՈՒՏ ԹԱԳԱԺԱՌԱԿԻ

Ճապոնիայի Ակիհիտո կայսրը մարտի 12-ին սկսել է մի շարք արարողություններ, որոնք կապված են գահից նրա մոտալուտ հրաժարման հետ: Միջոցառումների մեծ մասը իրենցից ներկայացնում են այդ իրադարձության մասին խորհրդանշական զեկույցներ աստվածային նախնիներին:

Ակիհիտոն, սեփական ցանկությանը համապատասխան, գահից կհրաժարվի 2019 թվականի ապրիլի 30-ին: Մայիսի 1-ին նոր կայսր կդառնա նրա ավագ որդին՝ 59-ամյա Նարուհիտոն:

ՄԵԾ ԲՐԻՏԱՆԻԱ

BREXIT-Ի ՎԵՐԱԲԵՐՅԱԼ

ՀԱՄԱԶԱՅՆԱԳԻՐԸ ԿՐԿԻՆ ՄԵՐԺՎԵՑ

Բրիտանացի պատգամավորները կրկին մերժել են Brexit-ի պայմանների վերաբերյալ Եվրամիության հետ համաձայնագիրը: Քվեարկության ընթացքում, որը մարտի 12-ին կայացել է Համայնքների պալատում, 391 պատգամավոր մերժեց համաձայնագրի նախագիծը, որը խորհրդարանի ստորին պալատ էր մտցրել վարչապետ Թերեզա Մեյը, այն պաշտպանել է 242 պատգամավոր:

Այսպիսով, Եվրամիության հետ պաշտոնական «ապահովագրի» ամսաթվից 17 օր առաջ Լոնդոնն ու Բրյուսելը չունեն Brexit-ի իրականացման հստակ պայմաններ:

Մարտի 15-ին Մեծ Բրիտանիայի խորհրդարանը քվեարկել է Եվրամիությունից երկրի դուրս գալու պաշտոնական ժամկետի փոխադրման վերաբերյալ կառավարության առաջարկության օգտին: Հիշեցնենք, որ Մեծ Բրիտանիան Եվրամիության կազմից դուրս էր գալու մարտի 29-ին:

ԵՎՐԱՄԻՈՒԹՅՈՒՆ

ՌՈՒՍԱՍՏԱՆԸ ՈԱԶՄԱՎԱՐԱԿԱՆ ԳՈՐԾԸՆԿԵՐ ԶԻ ՀԱՄԱՐԿՈՒՄ

Ռուսաստանն այլեւս Եվրամիության ռազմավարական գործընկերը չէ, եւ 1994 թվականին ստորագրված Գործընկերության ու համագործակցության համաձայնագիրը վերանայման կարիք ունի: Այդ մասին ասված է Եվրախորհրդարանի բանաձեւում, որը մարտի 12-ին ընդունվել է Ստրասբուրգում ընթացող լիազումար նստաշրջանում:

Եվրոպացի խորհրդարանականները, որոնց լիազորությունների ժամկետը լրանում է մայիսին, կոչ են անում ԵՄ-ին՝ «քննադատաբար եւ ամբողջապես վերագնահատել իր հարաբերությունները Ռուսաստանի հանդեպ: Եվրոպացի խորհրդարանների համար հատկապես անընդունելի են «Ռուսիայի նկատմամբ Ռուսաստանի գործողությունները՝ սկսած 2014 թվականից»:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՄԱՅՐԱՔԱՂԱՔ

ՄՇԱԿՎԵՑ ԹԲԻԼԻՍԻ ԶԱՐԳԱՑՄԱՆ ՍԱՐՄԱՆԱԴՐՈՒԹՅՈՒՆԸ

Մարտի 15-ին Թբիլիսիի սակրեբուլոն քննարկեց եւ ընդունեց Վրաստանի մայրաքաղաքի զարգացման սահմանադրությունը: Ինչպես նշեց Թբիլիսիի քաղաքապետ Կախա Կալաձեն, այսօր պատմական եւ կարեւոր օր է, այսուհետ Թբիլիսին կունենա մոր ընդհանուր պլան՝ Քաղաքի զարգացման սահմանադրությունը, որը կապահովի մայրաքաղաքի ճիշտ եւ երկարատեւ զարգացումը:

- Թբիլիսիի Դոդամասի կառուցապատման ընդհանուր ծրագրի շուրջ աշխատել ենք բոլորի՝ հեղինակները, բնագավառի մասնագետները, մունիցիպալ ծառայությունը, սակրեբուլոյի անդամները, որի համար նրանցից յուրաքանչյուրին ցանկանում են շնորհակալություն հայտնել: Կախա Կալաձեն:

Նրա խոսքով, ընդհանուր պլանի հաստատումը առաջին կարեւոր քայլն է քա-

ղաքը ճիշտ կառավարելու համար:

- Տարիներ շարունակ հավաքված բոլոր սխալները մեկ գործողությամբ չենք կարող ուղղել, սակայն կա այն մեկնարկային կետը, որտեղից սկսվում է Թբիլիսիի զարգացման մոր ճանապարհը,- հայտարարել է Կախա Կալաձեն:

Նրա խոսքով, կանցնի ժամանակ, եւ



Թբիլիսին անպայման կլինի կյանքով լեցուն քաղաք, որում լուծված կլինեն կառուցապատման, էկոլոգիայի, տրանսպորտի հարցերը, կլինի տնտեսական բարձրակարգություն, որը կապահովի մարդկանց կյանքին անհրաժեշտ պատշաճ պայմանների ստեղծումը:

ՕՐԵՆԱԴՐԱԿԱՆ

ՆՈՐ ԿԱՐԳԱՎՈՐՈՒՄՆԵՐ՝ ԿԱՊԱԾ ԴՊՐՈՑԱԿԱՆ ԷՔՍԿՈՒՐՍԻԱՆԵՐԻ ՀԵՏ



Հանրային միջոցառումներում երեխաների իրավունքի պաշտպանությունը կարգավորող հոդվածը կազմված է 8 կետից: Այդ կետերում պարզաբանված են, օրինակ, էքսկուրսիաներում ՆԳ նախարարության ներգրավման ձեւաչափերը, հիգիենիկ նորմերի հարցով պարտավորություններն ու բժշկական առաջին օգնության ցուցաբերման կարգը: Բացի այդ, այդ կետերում նշված է, որ դպրոցը իրա-

Վրաստանի խորհրդարանի մարդու իրավունքների պաշտպանության եւ քաղաքացիական ինտեգրման կոմիտեն հանդես է եկել «Երեխաների իրավունքի օրենսդրություն» նախաձեռնությամբ, որն առնչվում է դպրոցական էքսկուրսիաների հարցին:

վասու չէ վարձել տրանսպորտային ընկերությունից էքսկուրսիայի անցկացման համար տրանսպորտ՝ առանց պայմանագրի ձեւակերպման: Բացի այդ, դասուղեկը պարտավոր է տեղեկատվություն ստանալ տրանսպորտի վարորդի մասնագիտական փորձի վերաբերյալ, ինչպես նաեւ ծանոթանալ տրանսպորտային միջոցի տեխնիկական կարգավորումն հաստատող փաստաթղթերի հետ:

Օրենսդրության հաստատման դեպքում, դպրոցը, որպես էքսկուրսիայի կազմակերպիչ, պարտավոր է ներքին գործերի նախարարությանը տեղեկություն հաղորդել միջոցառման մանրամասների վերաբերյալ, տվյալներ ներկայացնել երեխաների թվի, էքսկուրսիայի վայրի եւ ամսաթվի մասին: Անհրաժեշտության դեպ-

քում, օրինակ, եթե էքսկուրսիայի համար օգտագործում են տրանսպորտային միջոցի միջոցներ, ապա բացառված չէ ՆԳ նախարարության համագործակցությամբ, ավտոշարասյունը ուղեկցվի պարեկային ոստիկանության մեքենաներով:

Օրենքի սահմանմամբ, էքսկուրսիայի ընթացքում երեխաներին ուղեկցելու է դպրոցական բժիշկը կամ բժշկական առաջին օգնության կանոններին ծանոթ անձը: Նմանը կարող է լինել մանդատուրը կամ ծնողը:

Երեխաների իրավունքի օրենսդրությունն արդեն մանրամասնված է ըստ սկզբունքների, եւ հարցի առնչությամբ մոտ ժամանակներում սկսվելու են դրա կոմիտեական լուծումները, որից հետո օրենքը կներկայացվի Վրաստանի խորհրդարան:

ՍՈՑԻԱԼԱԿԱՆ

ԴԱՎԻԹ ՍԵՐԳԵՆԿՈ. «ԾԽՈՂՆԵՐԻ ՀԱՄԱՐ ԾԽԱԽՈՏԸ ՊԵՏԶԷ Է ԼԻՆԻ ՄԱՏՁԵԼԻ»

Վրաստանում ծխախոտի օգտագործումը սահմանափակող օրենքի ուժի մեջ մտնելուց հետո, ծխողներին սպասվում է մեկ այլ փորձություն՝ հնարավոր է թանկանա նաեւ թուրքումը:

Առողջապահության նախարար Դավիթ Սերգենկոն, անդրադառնալով այս խնդրին, նշեց, որ ծխախոտ օգտագործողներին պետք է աջակց-

ցել պահպանելու առողջությունը՝ միեւնույն ժամանակ ազատել ֆինանսական բեռից:

- Հի էլ քննարկվում ծխա-

խոտի վնասակարությունը, սակայն այս արատավոր սովորությունն ունեցող մարդկանց պետք է աջակցենք, ամեն ինչ անենք, որպեսզի նրանք վերջ տան այդ սովորությանը,- ասաց նախարարը:

Թուրքոնի թանկացման հարցը խորհրդարանում բարձրացրել է խորհրդարանի առող-

ջապահության հանձնաժողովի նախագահ Ակակի Ջոիժեն:

Նրա խոսքով, ծխախոտի թանկացումից հետո, քաղաքացիները ծխախոտի օգտագործումը նվազեցնելու փոխարեն, անցել են առավել մատչելի մեթոդի կիրառմանը՝ փաթեթավորված թուրքոնի օգտագործմանը:

ԿԵՆՍԱԹՈՇԱԿԱՅԻՆ ՀԻՄՆԱԴՐԱՄԻ ԾԱՎԱԼԸ ՀԱՍԵԼ Է 100 ՄԻԼԻՈՆ ԼԱՐԻԻ

Կենսաթոշակային հիմնադրամի ծավալը հասել է 100 միլիոն լարիի: Այս մասին Առաջին ալիքին տեղեկացրել են կենսաթոշակային գործակալությունից:

Գումարների մի մասը, այս պահի դրությամբ կոմերցիոն բանկերի ավանդներում են, իսկ մնացած մասը՝ Ազգային բանկի հաշվին: Ազգային բանկի դեպոզիտ, տարեկան տոկոսադր-

ույքը 6,75 տոկոս է, կոմերցիոն բանկերում՝ 5,0-8,5 տոկոս:

Գումարների տնօրինումը սկսվելու է կենսաթոշակային գործակալության ներդրումային խորհրդի համալուծումից հետո:

ԿՈՒՏԱԿԱՅԻՆ ԿԵՆՍԱԹՈՇԱԿԱՅԻՆ ՀԱՄԱԿԱՐԳԻՑ ԴՈՒՐՍ ԳԱԼՈՒ ԸՆԹԱՑԱԿԱՐԳԸ ԿՍԿՍՎԻ ԱՊՐԻԼԻ 1-ԻՑ

Ինչպես հաղորդել ենք, տարեկան գործարկվեց կուտակային կենսաթոշակի մոր համակարգը, որին միացան աշխատազբաղ անձինք: Ապրիլի 1-ից քառասունն անց անձինք կարող են հրաժարվել այս համակարգից:

Ինչպես նշեց «Կենսաթոշակային գործակալության» տնօրեն Լեւան Սուրգուլաձեն, 40-ից բարձր տարիքի աշխատող անձինք կունենան երկու ամիս ժամանակ կենսաթոշակային համակարգից դուրս գալու համար:

- Աշխատողը, ում 40 տարին լրացել է մինչեւ 2018 թվականի օգոստոսի 6-ը, կարող է ապրիլի 1-ից մինչեւ մայիսի

31-ը ներառյալ դուրս գալ կենսաթոշակային համակարգից: Դրա համար հարկավոր է համապատասխան դիմումով ուղղակի դիմել կենսաթոշակային գործակալությանը:

Ինչ վերաբերում է տարածաշրջաններին, ապա 69 տեղանքների սոցիալական ծառայության գործակալություններում մենք կունենանք օպերատորներ, ովքեր կօգնեն


ցանկացողներին դուրս գալ կենսաթոշակային համակարգից: Հաշվի առնելով այն, որ այդ միջոցները ներդրվում են երկարաժամկետ ֆինանսական ծրագիր, մենք պետք է անպայման իմանանք, թե ով է մնալու ծրագրում,- ասել է Լեւան Սուրգուլաձեն:

Նա պարզաբանել է, որ ընթացակարգը կլինի պարզ եւ,



ցանկության դեպքում, 40 տարեկանից բարձր մարդիկ կարող են կրկին վերադառնալ:

Ըստ Սուրգուլաձեի, վերջին երկու շաբաթվա ընթացքում «Կենսաթոշակային գործակալությունը» հաշվապահների համար անցկացրել է 30 թրեյնինգ:



ՈՒՂԵՎՈՐՈՒԹՅՈՒՆ ՈՒԿՐԱԻՆԱ՝ «ID» ՔԱՐՏՈՎ

Ընթացիկ տարվա մարտից Ուկրաինայի եւ Վրաստանի քաղաքացիները երկու երկրներ կկարողանան ուղեւորվել «ID» քարտերով:

Ուկրաինայի եւ Վրաստանի քաղաքացիներին հնարավորություն է տրվում առանց այցեգրի 90 օր մնալ մեկ տարվա ընթացքում տվյալ երկրների տարածքում:

Ուկրաինան եւ Վրաստանը նշված համաձայնագիրը ստորագրել են անցած տարվա հոկտեմբերին:

ԿԱՏԵՂԾՎԻ ԶԲԱՂԱԾՈՒԹՅԱՆ ՊԵՏԱԿԱՆ ԾԱՌԱՅՈՒԹՅՈՒՆ

Ընթացիկ տարվա ապրիլին Վրաստանում կստեղծվի զբաղվածության պետական ծառայություն:

Զբաղվածության բաժնի պետ Մարիամ Բազերաշվիլու խոսքով, մոր ծառայությունը ենթարկվելու է Վրաստանի առողջապահության նախարարությանը, եւ ոչ Սոցիալական ծառայությունների գործակալությանը:

Ինչպես նշեցին գործակալությունում, մոր ծառայության շնորհիվ պետական զբաղվածության ծառայություններն ավելի մատչելի կլինեն ամբողջ երկրի տարածքով: Իսկ նրանք, ովքեր ցանկանում են աշխատանք գտնել, պետք է գրանցվեն worknet.gov.ge վեբ-կայքում:

Ազգային վիճակագրական ծառայության տվյալներով, գործազրկության մակարդակը 2018 թվականին նվազել է 1,2%-ով եւ կազմել 12,7%:

ԳՈՐԾԱՐԿՎԵՑ ՄԹԵՐՔՆԵՐԻ ՄԱԿՆԻՇՄԱՆ ՆՈՐ ԿԱՐԳ

Ընթացիկ տարվա մարտից սպառողներին Մթերքի մասին պիտակի միջոցով տեղեկության փոխանցումը կարգավորվեց մոր օրենքով:

Մթերքի ազգային գործակալության տեղեկությամբ, կանոնակարգի նպատակն է՝ սպառողին առավելագույն տեղեկություն փոխանցել վաճառքում առկա մթերքի մասին եւ դրանով նպաստի նրանց առողջության ու իրավունքների պաշտպանությանը:

Ըստ մոր կանոնակարգի, պարտադիր է, պիտակի վրա զետեղվի տեղեկություն մթերքի անվտանգ օգտագործման առնչությամբ:

ԸՆԴԴԻՄԱԴԻՐ ՆՈՐ ԿՈՒՍԱԿՑՈՒԹՅՈՒՆ՝ ՔԱՂԱՔԱԿԱՆ ԴԱՇՏՈՒՄ

Մարտի 10-ին հրապարակախոս, ընդդիմադիր դիրքերից հանդես եկող Թակո Չարկվիանու գլխավորությամբ ստեղծվել է մոր «Օրենք եւ իրավունք» կուսակցությունը: Քաղաքական մոր ուժի նպատակն է օրենքի գերակայության վրա հիմնել միասնական, ուժեղ եւ ազատ պետություն:

Թակո Չարկվիանու հայտարարությամբ, քաղաքական միության կարեւոր առաքելությունն է նաեւ երկրում առկա կոռուպցիայի հաղթահարումը: Նոր կուսակցության համագումարին ներկա են գտնվել նաեւ «Ուժը միասնության մեջ է» միավորված ընդդիմության անդամները:

Վրացի հայտնի պոետ Ջանսուղ Չարկվիանու դուստրը անցած տարեվերջին տեղի ունեցած նախագահական ընտրություններում սատարում էր միասնական ընդդիմության թեկնածու, նախկին արտգործնախարար Գրիգոլ Վաշաձեին:

ՎՐԱՍՏԱՆ - ՀԱՅԱՍՏԱՆ

ՎՐԱՅ-ՀԱՅԿԱԿԱՆ ՀԱՐԱԲԵՐՈՒԹՅՈՒՆՆԵՐԻ ՊԱՏՄԱԿԱՆ ՆՈՐ ՄԱԿԱՐԴԱԿ

(Սկիզբը՝ 1-ին էջում)

ժընկերոջ հրավերը: Նա եւս իր հերթին Վրաստանի նախագահին հրավիրեց հունիսին Դիլիջանում կայանալիք «Armenian Summit of Minds» միջոցառմանը:

«ՄԵՋ ՀԱՄԱՐ ԿԱՐԵՎՈՐ Է ՎՐԱՍՏԱՆՈՒՄ ՀԱՅԵՐԻ ԵՎ ԱՊՐԲԵՋԱՆՑԻՆԵՐԻ ԽԱՂԱՂ ԳՈՅԱԿՑՈՒՄԸ»



Երկու երկրների նախագահների համատեղ մամուլի ասուլիսում ընդգծվեց, որ տարածաշրջանում առկա բոլոր հակամարտությունների լուծման միակ ուղին խաղաղ ճանապարհն է:

- Մենք ապրում ենք մի տարածաշրջանում, որի համար վճռական են կայունությունն ու խաղաղությունը, որը պարտադիր նախապայման է մեր երկու երկրների տնտեսության զարգացման ու տնտեսական համագործակցության խորացման համար: Բազմաթիվ մարտահրավերներ կան մեր տարածաշրջանում, որոնց լուծման ուղին խաղաղ ճանապարհն է՝ հիմնված միջազգային իրավունքի նորմերի վրա: Այդ ամենը պետք է լինի բանակցությունների շնորհիվ, - ասաց Սալոմե Ջուրաբիշվիլին եւ հավելեց, որ երկրի համար կարեւոր է Վրաստանում հայերի ու ադրբեջանցիների խաղաղ գոյակցումը:

- Վրաստանի համար կարեւոր է, որ երկրի տարածք չտեղափոխվի տարածաշրջանում առկա հակամարտությունը: Մեզ համար շատ կարեւոր է, որ Վրաստանում ապրող Հայաստանի ու Ադրբեջանի քաղաքացիները խաղաղ լինեն եւ ինտեգրված մեր երկրի մշակույթում: Որպես նախագահ՝ պարտավոր եմ այնպես անել, որ նրանք դառնան Վրաստանի տնտեսական ու մշակութային զարգացման լիարժեք մասնակիցը, - նշեց Վրաստանի նախագահը:

ԵՐԿՎՈՐՄ ՀԱՐԱԲԵՐՈՒԹՅՈՒՆՆԵՐԻ ԿԱՐԵՎՈՐՈՒԹՅԱՆ ՓՈԽՆՍՐՈՒՄ



Պաշտոնական այցով Երեւանում գտնվող Վրաստանի նախագահ Սալոմե Ջուրաբիշվիլին հանդիպում ունեցավ Հայաստանի վարչապետ Նիկոլ Փաշինյանին: Հանդիպմանը Հայաստանի կառավարության ղեկավարը հայտարարեց, որ Հայաստանն ու Վրաստանը հարաբերությունները նոր մակարդակի բարձրացնելու պատմական հնարավորություն ունեն:

- Ես կարծում եմ, որ ներկայումս մեր երկրների հարաբերությունները նոր մակարդակի բարձրացնելու պատմական հնարավորություն ունենք: Որպես վարչապետ՝ ես իմ առաջին պաշտոնական այցը կատարել եմ Վրաստան: Դա ընդգծում է մեր կառավարության ուսանձամբ իմ ուշադրությունը եւ կարեւորության զգացումը հայ-վրացական հարաբերությունների նկատ-

մամբ: Ես ընդգծել եմ, որ մենք պետք է մեր հարաբերություններում հենվենք ռազմավարական ընդհանուր շահերի վրա, եւ ուրախ եմ, որ Վրաստանի կառավարության կողմից համարժեք արձագանքի եմ արժանացել: Եվ հիմա ժամանակն է այդ փոխադարձ ըմբռնումը կյանքի կոչել, - ասաց Նիկոլ Փաշինյանը:

Իր հերթին, Վրաստանի նախագահ Սալոմե Ջուրաբիշվիլին համոզվածություն հայտնեց, որ վրաց-հայկական առանց այդ էլ սերտ հարաբերությունները նոր փուլ կթեւակոխեն:

- Մեզ շատ բաներ են միավորում՝ աշխարհագրությունը, պատմությունը: Բացի պատմությունից եւ աշխարհագրությունից, մեզ միավորում է ապագայի մասին մեր ընդհանուր տեսլականը: Կարծում եմ, որ մենք կկարողանանք օգտագործել մեր հնարավորությունները: Միասին շատ բան կարող ենք անել, շատ անելիքներ ունենք միասին, - ասաց Վրաստանի նախագահը:

Հանդիպմանը կողմերը քննարկեցին Վրաստան-Հայաստան քաղաքական եւ տնտեսական համագործակցության զարգացման կարեւոր հայեցակարգը: Խոսեցին նաեւ Վրաստանում ազգությամբ հայերի իրավիճակին, նրանց ինտեգրման, հատկապես՝ երիտասարդների ներգրավվածության ակտիվացմանը եւ պետական լեզվի ուսուցման անհրաժեշտության մասին:

ԱՅՑԵԼՈՒԹՅՈՒՆ՝ «ԹՈՒՄՈ» ՍՏԵՂՃԱՐԱՐ ՏԵԽՆՈԼՈԳԻԱՆԵՐԻ ԿԵՆՏՐՈՆ



Հայաստան կատարած պաշտոնական այցի շրջանակներում, Վրաստանի նախագահ Սալոմե Ջուրաբիշվիլին իր գլխավորած պետական պատվիրակության եւ Հայաստանի կրթության ու գիտության նախարար Արայիկ Հարությունյանի ուղեկցությամբ, այցելեց Երեւանի «Թումո» ստեղծարար տեխնոլոգիաների կենտրոն եւ ծանոթացավ տեղի կրթական ծրագրին:

«Թումո»-ի զարգացման գծով տնօրեն Բեկոր Փափազյանը Վրաստանի նախագահին ներկայացրեց ընթացիկ նախագծերը, «Թումո» ստուդիաները, «Թումո-ԵՍ» կոնվերգենցիոն կենտրոնը եւ կենտրոնի միջազգային ընդլայնման ընթացքը:

- Վրաստանի մեր նոր տեխնոպարկում ստարտափների էկոհամակարգ ունենք, եւ «Թումո»-ի նման նախագիծը հիմնալի լրացում կարող է հանդիսանալ, - նշեց նա:

ՊԱՇՏՈՆԱԿԱՆ ՃԱՇ՝ Ի ՊԱՏԻՎ ՎՐԱՍՏԱՆԻ ՆԱԽԱԳԱՀԻ

Ի պատիվ Վրաստանի նախագահ Սալոմե Ջուրաբիշվիլու, Հայաստանի նախագահի նստավայրում մարտի 13-ի երեկոյան նախագահ Արմեն Սարգսյանի եւ տիկին Նունե Սարգսյանի անունից տրվեց

պաշտոնական ճաշ:

Պաշտոնական ճաշին ողջույնի եւ շնորհակալության խոսքով ելույթ ունեցան Հայաստանի նախագահ Արմեն Սարգսյանը եւ Վրաստանի նախագահ Սալոմե Ջուրաբիշվիլին:

ԿԶԵՎԱՎՈՐՎԻ ՊԱՏԳԱՄԱՎՈՐԱԿԱՆ ԲԱՐԵՎԱՍՈՒԹՅԱՆ ԽՈՒՄԲ

Մարտի 14-ին պաշտոնական այցով Հայաստանում գտնվող Վրաստանի նախագահ Սալոմե Ջուրաբիշվիլին հանդիպում ունեցավ Հայաստանի Ազգային ժողովի նախագահ Արարատ Միրզոյանի հետ:

Ողջունելով հյուրերին՝ Արարատ Միրզոյանը կարեւորեց եղբայրական ժողովուրդների ավանդական ու առանձնահատուկ կապերը՝ հիմնված ընդհանուր պատմության, մշակութային եւ հոգեւոր արժեքների վրա: Խորհրդարանի ղեկավարն առանձնացրեց նաեւ Հայաստանի ու Վրաստանի խորհրդարանների միջեւ կապերի ակտիվացումը՝ նշելով, որ առաջիկայում կծեւավորվի պատգամավորական բարեկամական խումբ:

Խոսելով միջխորհրդարանական հարթակներում փոխգործակցության կարեւորության մասին՝ Արարատ Միրզոյանը նշեց, որ երկկողմ ընդունելի հարցերում պատվիրակությունները մշտապես աջակցում են միմյանց: Այս համատեքստում խորհրդարանի ղեկավարի գնահատմամբ՝ տարբեր դիրքորոշումներ ունեցող հարցերում պատվիրակությունները պետք է առաջնորդվեն միմյանց՝ առնվազն չվնասելու սկզբունքով:

Աժ նախագահն անդադարձ կատարեց տարածաշրջանային անվտանգության խնդիրներին: Լեռնային Ղարաբաղի հիմնախնդրի առնչությամբ Հայաստանի Աժ խոսնակն ընդգծեց, որ մեր երկրի իշխանությունները կողմ են խնդրի խաղաղ բանակցային կարգավորմանը՝ ԵԱՀԿ Մինսկի խմբի համաձայնագրային ծեւաչափում՝ հավելելով, որ Վրաստանը՝ որպես ԵԱՀԿ մասնակից պետություն, միացել է Մինսկի խմբի ծեւաչափում կարգավորմանը:

Վրաստանի նախագահը, դրական գնահատելով խորհրդարանական դիվանագիտության դերը, եւս անհրաժեշտ համարեց երկու երկրների օրենսդիր մարմինների միջեւ ակտիվ համագործակցությունն ու փոխայցերը:

Անդրադառնալով Աժ նախագահ Արարատ Միրզոյանի մտահոգություններին՝ Սալոմե Ջուրաբիշվիլին ներկայացրեց իր դիրքորոշումը:

- Դուք հիշատակեցիք հակամարտությունների հարցում մեր համագործակցությունը, եւ դա մեծ նշանակություն ունի: Այս հակամարտությունները մեր տարածաշրջանում առավել արգելակում են մեր համատեղ առաջընթացը: Ինչպես գիտեք, Վրաստանի երկու բռնազավթված տարածք կա, եւ մեզ համար զլխավոր եւ միակ շահն այն է, որ ճանաչվի մեր ինքնիշխանությունն ու տարածքային ամբողջականությունը, եւ ճանաչվի ոչ միայն բանավոր, այլեւ փաստացի: Այդ առումով շատ ցավալի է, երբ Լեռնային Ղարաբաղի պատվիրակությունը գալիս է Աբխազիա եւ Հարավային Օսեթիա ու բարձրացնում հարց՝ իբր դա համանման հակամարտություն է: Դա մեզ համար շատ ցավալի է, եւ մենք գտնում ենք, որ դրանում չի արտահայտվում այն բարյացակամությունը, որը պետք է գոյություն ունենա մեր երկրի նկատմամբ, - հայտարարեց Սալոմե Ջուրաբիշվիլին: Վրաստանի նախագահը, խոսելով Մինսկի խմբի եւ Ժնևի ծեւաչափի մասին, նշեց, որ դրանք ի վիճակի չեն կարգավորելու հարցը, եւ համոզվածություն հայտնեց, որ համատեղ պետք է գործել միջազգային այն նորմերի հաստատման համար, որպեսզի կարողանան հաստատել հակամարտությունների կարգավորման նոր փուլ:

Հանդիպման ավարտին, Վրաստանի նախագահը գրառում կատարեց Հայաստանի Ազգային ժողովի պատվավոր հյուրերի մատյանում:



(Շարունակությունը՝ 6-րդ էջում)